

Bangala - Molimo Kobunda Buku na Nzambe - SW Intro Scriptures

Luka 17:5 Bantoma balobaki na Yesu: "Bakisa kondima na biso."

**Baroma 10:17 Boye kondima ekumi mpo na koyoka kotatola, mpe
kotatola ebimi na Monoko oyo Kristo alobi.**

**Luka 11:1 Mokolo moko Yesu azalaki kobondela na esika moko. Ntango
asilisaki mabondeli, moyekoli moko na ye alobaki na ye: "Molakisi,
lakisa biso kobondela lokola Yoane alakisaki na bayekoli na ye."**

**1 Timoteo 2:1-4 Na liboso nyoso, napameli batu ete basenga Nzambe,
babondela ye, balela epai na ye, bapesa ye mersi mpo na batu
nyoso. 2 Ekoki babondela mpo na bakonzi mpe mpo na batu nyoso
oyo bazali na bisika minene boye tokoka kofanda malamu mpe na
kimia, kokangana malamu nyoso na Nzambe mpe na ezaleli sembo
nyoso. 3 Oyo ezali malamu, mpe esepelisi Nzambe Mobikisi na biso 4
oyo alingi batu nyoso bazwa kobikisa, mpe bayeba likambo ya solo.**

**Zekaria 3:1,2 Nkolo amonisi ngai Yosua nganga-Nzambe monene,
atelemi na liboso ya anzelu ya Nkolo. Satana atelemaki na loboko
drwati ya Yosua mpe azalaki kosungola ye. 2 Anzelu ya Nkolo alobi
na Satana boye: "Yo Satana, kanga monoko! Nkolo ye moko apekisa
yo koloba. Mpamba te aponi Yerusalem, akumisi Yosua lokola koni
oyo balongoli na moto!"**

**Baefeso 6:12 Mpo ete tozali kobundana na batu te, kasi na nguya na
milimo mabe kati na bisika na lora, bankolo, banguya mpe mokonzi
na mokili na butu oyo.**

**Baefeso 6:10,11 Mpo na kosukisa, boluka bokasi na bino kati na
lisanga na bino elongo na Mokonzi, mpe kati na nguya monene na
ye. 11 Bolata biloko na etumba nyoso oyo Nzambe azali kopesa bino,
boyen bokoki kotelema malamu na kobunda na mobulu ya Satana.**

**Baefeso 6:13-17 Mpo na oyo, bokamata sik'oyo biloko na etumba nyoso
na Nzambe! Boye, ntango mokolo mabe ekoya, bokokoka kotelema
na kobundana na monguna, mpe nsima na kobunda kino nsuka,
bokotelema makasi na esika na bino. 14 Bongo botelema makasi.
Bokanga makambo na solo lokola mokaba na loketo na bino.
Bokamata bosembo lokola nguba. 15 Bolata mposa na kosakola
Nsango Malamu na kimia lokola sapato na makolo na bino. 16**

Bokamata mikolo nyoso kondima lokola nguba, yango nde ekopesa bino nguya koboma mbanzi ya moto nyoso na Satana. 17 Bolata kobikisa lokola ekoti ya mbeli, mpe maloba na Nzambe lokola mopanga oyo Molimo Mosantu apesi bino.

Baebere 4:12 Mpo maloba na Nzambe ezali na bomoi mpe na nguya. Yango etobolaka koleka mopanga oyo epeli bipai mibale. Yango etobolaka kino kokabola kati na motema mpe molimo, kino na esika mikuwa mpe misisa na mikuwa ekutani. Yango etalisaka epai na motu makanisi mpe mposa na motema na motu.

Luka 4:8 Yesu alobaki na ye: "Bakomaki na Buku: `Opesa lokumu na Mokonzi Nzambe na yo, osalela bobele ye moko."

Baefeso 6:18 Bosala oyo nyoso kati na mabondeli, kosenga epai na Nzambe lisungi na ye. Bobondela ntango nyoso, lokola Molimo Mosantu azali kokamba. Mpo na oyo, bokeba mpe bolemba te. Bobondela mpo na batu nyoso na Nzambe.

1 Samuele 17:45-47 Davidi azongisi: "Yo ozali koya kobunda na ngai na mopanga mpe na makonga; kasi ngai nakobundisa yo na nkombo na Nkolo ya nguya nyoso, Nzambe ya basoda ya Israele oyo ozali konyokola. 46 Lelo oyo Nkolo akopesa yo na maboko na ngai; nakoboma yo mpe nakokata mutu na yo. Lelo oyo nakopesa bibembe ya basoda ya Felesete na bandeke mpe na banyama ya zamba mpo balia yango. Boye batu nyoso ya mokili bakoyeba ete Baisraele bazali na Nzambe. 47 Mpe lisanga mobimba ya Israele ekoyeba ete Nkolo alongisaka batu na mopanga te to na likonga te; mpamba te Nkolo azali mokonzi ya bitumba mpe akopesa bino na maboko na biso."

Luka 10:17-20 Bayekoli ntuku nsambo na mibale bazongaki, kotonda na esengo, mpe balobaki: "Mokonzi, bobele milimo mabe bazali kotosa biso ntango tozali kopesa bango mitindo na nkombo na yo!" 18 Yesu alobaki na bango: "Namonaki Satana kokweya uta likolo lokola nkake. 19 Boyoka: nasili kopesa bino nguya na konyata nyoka mpe dapaya na makolo, mpe na koboma nguya nyoso na monguna. Eloko moko te ekoki kosala bino mabe. 20 Bosepela te mpo milimo mabe bazali kotosa bino, kasi bosepela mpo bakomaki nkombo na bino kuna na lora."

2 Bakorinto 10:3-5 Ya solo, tozali na nzoto na batu, kasi tozali kobunda te lokola batu babundaka. 4 Bibuneli ya etumba oyo tozali kosalela

ezali oyo na mokili te, ezali bibuneli makasi na Nzambe, bibuneli yango ezala kopesa bokasi na kosilisa bisika makasi na basoda na kokengela vile. Tozali kosilisa makanisi na lokuta. 5 Tozali kobwaka makambo na lolendo oyo batu bazali kokanisa na kobundana na mayele na Nzambe, tozali kokanga makanisi nyoso na boloko mpo na kokamba yango na nzela na kotosa Kristo.

2 Timoteo 1:7 Mpo Molimo oyo Nzambe apesaki biso akumisi biso batu na kobanga te. Kasi Molimo yango atondisi biso na nguya, na bolingo mpe na koyeba.

Matayo 12:28,29 Ya solo, mpo nazali kobengana milimo mabe na nguya na Molimo na Nzambe, oyo etalisi ete Bokonzi na Nzambe esili kokuma epai na bino. 29 "Motu moko te akoki kokota na ndako na motu makasi na kobotola misolo na ye, soki na liboso ye akangi motu makasi yango te. Soki ye asili kokanga motu makasi yango, ye akoki kobotola misolo nyoso na ndako na ye.

Baefeso 1:13 Bino lokola, ntango boyokaki maloba ya solo, bobele Nsango Malamu oyo epesaki bino kobikisa, bondimaki Kristo. Bongo Nzambe apesaki bino elembo na kotalisa bozali batu na ye, kopesa bino Molimo Mosantu oyo ye alakaki.

Misala Bantoma 19:6 Paulo atiaki maboko likolo na bango mpe Molimo Mosantu akumaki likolo na bango, babandaki kosolola lokota ndenge na ndenge kosakola litatoli oyo bazwaki na Nzambe.

Mako 16:15-18 Nsimba yango ye alobaki na bango: "Bokende na mokili mobimba mpe bosakola Nsango Malamu epai na batu nyoso. 16 Motu oyo akondima mpe akozwa batisimo akobika, kasi motu na kondima te akozwa kokufa. 17 Mpe tala, batu na kondima ngai bakosala bikamwiseli oyo: Bakobengana milimo mabe na nkombo na ngai. Bakosolola na lokota ya sika. 18 Soki bakokamata nyoka na maboko na bango to soki bakomela nkisi mabe, likambo mabe moko te ekokuma epai na bango. Bakotia maboko likolo na batu na malali mpe batu yango bakobika."

1 Yoane 1:9 Kasi soki tobimisi masumu na biso epai na Nzambe, tokoki kotia kondima na biso kati na ye mpe ye asalaka makambo sembo, ye akolimbisa masumu na biso, mpe akopetola biso na mabe nyoso.

Kobima 20:5 Ogumbana liboso na banzambe ya ndenge wana te, mpe okumisa bango te, mpamba te ngai Nkolo, Nzambe na yo, nazali Nzambe moko ya zuwa; oyo apesaka etumbu na mabe ya batata

likolo ya bana na bango kino libota ya misato mpe ya minei oyo ekoya nsima.

Njembo 109:17 Azalaki kotuka batu, sik'oyo kotuka ezongela ye; azalaki koboya kosala batu malamu, sik'oyo ye mpe azanga bolamu!

Bajuji 16:16 Na ndenge wana azalaki kotuna Samisona mikolo nyoso, mpe kotungisa ye koleka, kino ntango ayaki kolembisa ye.

Baefeso 4:26 Soki bosiliki, bokeba ete bokweya kati na masumu te, bosilika moi mobimba te.

Baroma 14:12 Boye, motu na motu akobimisa makambo na ye liboso na Nzambe.

1 Yoane 2:23 Mpo motu na koboya Mwana azali koboya Tata lokola. Motu na kondima Mwana azali kondima Tata lokola.

Yoane 14:6 Yesu alobaki na ye: "Ngai nazali nzela, mpe solo, mpe bomoi. Motu moko te akoki kokende epai na Tata na ngai na nzela mosusu, soki ye aleki bobele epai na ngai te.

Matayo 11:28-30 "Boya epai na ngai bino nyoso oyo bosili kolemba na komema mikumba, mpe nakopesa na bino kopema. 29 Bomema mosala na ngai, mpe bopesa ngai nzela na kolakisa bino, mpo nazali na motema pete, na lolendo te, mpe bokozwa esika ya kopema mpo na bino mpenza. 30 Komema mosala nakopesa na bino ezali makasi te, mpe mokumba nakomemisa bino ezali kilo te."

2 Bakorinto 6:2 Boye Nzambe alobi kati na Buku na ye: "Nayokaki yo na ntango ngolu na ngai ezalaki komonana Nasalisaki yo na mokolo na kobikisa." Tala sik'oyo ezali ntango na koyamba boboto na Nzambe, lelo ezali ntango batu bakoki kozwa kobikisa.

Baroma 10:13 Mpo ete Buku na Nzambe ezali koyebisa: "Motu na motu oyo akobenga nkombo na Mokonzi akobikisama."

**Pastor T. John Franklin
Church of Salvation, Healing, and Deliverance
COS-HAD.org**